

# UUT'T OLDE VODDEN

Wee hier nog van werken holt  
Um werken neet zal greülen,  
Hé hef neet alles in de mach!  
Moar ast opschéten tegen vólt  
Zo wette, ze bouwden Keülen  
En Aken neet in éne dag!  
Wat de mense ok zeggen zólt  
Oew lasten hei met te zeülen,  
I'j wet dat de jongen geerne spólt  
En olden mees zit te neülen.

Och de jongren teguswoordug  
Nemt ut vake neet zo na'w  
Ze proat soms zo lichtveurdug  
En gleuft ut dan al gaw.  
Tuurluk bunt ter jongren nog  
Dee wieter kiek as eur neus  
In ére holt wat mag en moch  
En lééft nog heel seriëus.  
Moar in 't algemeen ezeg  
Heur ie van eur de tendens  
Zo wod ut althans uut eleg  
Dat veanderd is de mens.

As ut oew al neet egéven is  
Um dat andre mens te zeen,  
nMense kump tr wereld gewis  
Nog net zo as int veelen,  
De jongren heb'n andre mening  
Ut olde is eur te goedkoop,  
Sluut op 'n nieje tied'nlening  
En smiet alt olde överhoop.  
Of'tnieje minder zedug liekt  
Een meestied neet zo keurug,  
Zee vindt 't olde is verziekt  
De wereld mot meer fleurug!

Zo as't met alle dinge is,  
Al bekumt ut oew soms neet

nDeel vant nieje is toch fris  
Al vin ie ut wel wat wreed.  
Moar tgoeie dr uut sorteern  
Dat vólt toch ok neet met  
Umdaj oew moar zólt geneern  
Veur wat is minder net.  
As goed-slech deur mekare zit  
Dan bunt vemengd dee beiden  
Zwat maak iej dan neet wit  
Dat kóij moar zo neet scheiden.

De olden dee zólt dan ook  
Zich vant nieje distantiëern,  
Goat léver deur veurn olde sok  
Dan zich dooran te bezeern.  
Och ze bunt ok wel jonk ewes  
Al is tat al lange eelen,  
En z'wet van dee tied nog bes  
Dat z'ok andes as d'olders deen.  
Moar toë von'n ze wast neúdug  
tGing toë op'n héel olde voët  
Noew is dat toch överbeudug  
Noe is ummers alles nog goed!

Och de olden holt ut geerne  
Zo ast wás in stand nog hier,  
Een ieder kust zien deerne  
Ummers op zien eigen menier!  
Zo as zee alles hebt edoan  
Noew al'n mensenlèven lange  
Is ut toch wonder goed egoan  
Veur ve-andren bunt ze bange.  
De jongen wilt van 't olde af  
Zee wilt andere methodes,  
Dé klére-drach gif en gaf  
Toch ok vake nieje modes!

En kiek us noa de damesschoë  
De mode ve-anderd met'tjoar,

In winkels gif ten heel gedoë  
Mot de olden weg dan moar!  
'tEene joar zeej ze met kneupe  
tAndre joar met 'n striksken,  
Soms blieft tr över nog heupe  
Koop iej dan veurn priksken.  
Zon schoë, neet in de mode  
Is veurn winkelier slim pech  
En al deute ut mooar nóde  
zMot in d'uitverkoop dan weg.

Vrouwluu neet zo mode-bewus  
Könt toor dan goed terech,  
Veurn schiëtjen koopt ze dus  
Schoene woar op wod toë-eleg.  
Zon schoë-vekoper dee vekoch  
dEerste schoene met vól wins  
Wi'j wet datte dat mot en moch  
Want hee mot toch op zn mins  
Winste maken um te lèven  
Iej wet lukt um dat niet  
Dan zitte der gaw nèven  
En geette heústug failliet!

Jò, jongren van alle tiejen  
Dat hef hier iedrene wel deur  
Wilt heupe dinge ve-niejen,  
Dat gift lèven toch wel fleur.  
Oldren zit mees vas e-betten  
An hoë't de joarn deur is ewes,  
Van olden moj neet vegetten  
Dee hebt eleerd de levensles?  
Olderom pránkt somgen met  
Ze zekt: „Dat's lèvens loon!”  
Moar wee dat zekt veget  
Daj dr niks veur hoëft te doon.  
As ie d'oasem moar gangs holt  
Wod iej gewoon vanzèlf old.

Ome Jehan